

# Anpao

# Kin.

24626

THE DAYBREAK

"Wankantanhan Anpao kin hiyounhipi."—Luke 1. 78

VOL. XXI

FOREST CITY, SO. DAK., MAY, 1905

NO. 11

## ANPAO - KIN:

Rev. E. Ashley,  
Rev. W. J. Cleveland, EDITORS

Anpao wotanin wowapi kin wi iyohina, wiyawapi anpetu tokaheya eca wowapi tokxu kin ogna yewicakiciyapi ece.

Wi akenom (one year) on kaxpapi yamni kajujupi kta.

Wi xape kin kaxpapi wanji sam okise. Icupi xni itokab kdajujupi kta.

Wowapi askabyapi maxaxana wanji qaix nonpa owapi kin. mazaska eekiya. ANPAO KIN opeton okilhipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,

Cheyenne Agency, S. D.

### Yawaxteya Cajeyatapi Wowapi Wan

ANPAO KIN icikoyagunyanpi qa wicoran waxte eon iyounpaxtakapi kta wookihi yuha. Okodakiciye wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa naktun Okodakiciye wakan kin wotanin tawa toktokoca ed kagapi kta. Oyate unkita-wapi kin owasin Anpao kin icupi qa sanm wicaxa tokeca wicagupi nia ecanmi.

W. H. HARE,  
Yewicaxipi Bishop

### WOTANIN IKCEKA

Sac na Fox Ikce Oyate, Oklahoma ekta unpi kin Ikce Oyate unmapi kin oyasin wicetokab okokipeya wasabgle najinpi selececa. Wotanin Wašte kin nahon cinpi šni na cincapi kin ilahapi kta onspewicakiciyapi, canke hekta Christ wicalapi kta otakiya cinwicakiciyapi yeša nahanhecin lehan-yan wanjini Christian hecapi šni. Ieunhan Tunkanšilayapi ti ekta mazaska ota wicakicignakapi kin hecela wacinyan unpi na on ohan-koya iglušica ayapi. Wi akenonpa can, tiwahe iyohila hetanhan mazaska \$1200.00, nainš \$1,500.00 wahecetu icupi na on ohan-koya jica na wapiya yankapi kta okilhipi wanji hee tka ee on wayekiyapi econpi, na miniwan-kan opetonpi, na on ihangiciyapi kta wicohan kin heca ece wiyu-škinyan econpi. On wicanagi nipi kta woonspe kin hena icupi kta wicalapi šni na ee woonspe šiksica ece ojupila. "Hena owi-hanke kin he wicotakunišni; iye tezipi kin Wakantanka yapi, wowištece kin el iwinktapi, na taku makata un kin heca ece awacinpi." Phil. 3:19.

Wanna ake Owakpamni hiye

cin ektakta wowaši inyanke kin on wicaša ksapa kin oyasin wiyu-škinpi kipi. Le bloketu kin togye econpi kta ške. He wica-kapi ehantans, na on tiyata wico-han kin el onšpa owicakiciyapi he-cin tanyan kta iteka. Hekta to-kele inyangkiyapi on oyate ataya kinil bloketu ihunniyan titokan-tanhan wilwitaya tipi na icunhan tiyata wicohan el etonwanpi šni qon tanyan šni.

Maste Makoce (Indian Territo-ry) ekta maka cašili yukan kin on woju iyutapi 440,000 wiyopekiya-pi na hetanhan mazaska kin Ikce Oyate hel unpi kin wicagupi kta.

Russia makoce ekta wakanheja wayawa opapi kta iyececa kin etanhan woyawa tanka akešako-win tuktel na wayawa opapi šni.

Hasapa makoce ekta wicaša qe-ya unpi kin woyawa tanka opawinge noupapi na hetanhan Wo-tanin Wašte kin nahonpi kin wo-yawa tanka nomnala henakecapi keyapi.

Wasicun iapi el wowapi toka-heya mazanalitagyapi on kagapi qon he omaka 1474 el kagapi.

Alaska makoce ekta taku oya-sin lila tehika. Ikce wowaši econpi kin anpetu wanjica can \$4.50, na tuktaktal \$6.50 woka-juju wicagupi.

London otonwahe tanka ekta anpetu wanjica can hoksicala 400 wahecetu wicatonpi, na anpetu wanjica can wakanheja 250 wahe-cetu toka wayawa opapi.

Texas ekta cannaslelyapi etan-cannakpan kin on minihuha ka-gapi.

Francis E. Leupp, Tawayeki-yapi kin lecala wicohan kin he yuha, tka hekta qon omaka iyohi Ikcewicaša on taku ablesiciya ecee, cankel wanna wicohan tan-ka qupi qonhan okalniga he ecin-pica. Lakaš Lakota tokel tanyan unpi kte cin he na iyoptapi kta tka taku iwicakuše kin lila awa-cin un. Yunkan lecala taku wanji econwicaši na lee. Canku kagapi, na miniyušmeyapi wowa-ši kin he tehanhan wicakicicaju-jupi šni, na heon mazopiye hiye-xe cin el el taku opetonpi kin

icazopi cankel mazaska icupi can iyuha Mazopiye wicaša icu na Lakota kin lecegle walipanica un, na he wašte šni ableza. Yunkan Ateyapi unpi kin oyasin wowapi wicakicage na ito Owankayujaja anpetu iyohi kin hehan tona wo-waši econpi kin wicayecicajupi kta, na oyakihipi kta ca itokab koyanni mazaska yalapi kte lo eye. Eya taku on lecel econwi-caši kin takuku iyowalye, tka le-han unkokagapi kta okan šni. Tka ito kohanna nayahonpi kta uncinpi ca unkoyakapi lo. Yun-kan ito taku kin le awacanipi kta wašte. Owankayujajapi anpetu iyohila nicicajujupi kta wicaši kin he owotanla heca unyawapi, na heconpi kin on mazopiye el ota iyakazopi kte šni, tka taku opeyatonpi kta cana wancagna kajuju woeyatonpi kte cin he hecetu.

Tka ito le ogna nicicajujupi kta konzapi qejaš, tokaš "Unko-kihipi kte šni, eyaš wicohan ota ye lo," eyapi kta naceca, eša Ta-wayekiye tokel eye cin ognayan wacineluzapi, na eciyatanhan luti-tanpi kta wašte selececa.

Anpao kin.

Ihukuya wowapi kin he lecala Wicaša wakan wan Lakota egna un kin he Bishop Hare kicage, na he eciyatanhan woałtani, woiyo-peiciye, na winyan wan cinca waštekilake cin he maka owanca-ya akiyececa ca yuatanin.

Wowapi kin le el Check wowa-pi mazaska \$50.00 kipiya Mrs. .... etanhan ciu. St. Luke Tipi wakan el Hlahla on kičun. Iye cinthintku kin on wokiksuye heca kta cin. He.... eciyapi. He hunku na ikayelatipi kin woiyotaniyeikiye ota wicagu. Te cin itokab wi wanjikji, wanna tin kte cin ikiye-la, he ehan iyopeičiye, na hekta wicohan šica econ kin on iyopei-čiye cin he glutanin kta ca wanna anpetu conala okapta kin on lila icantešica.

Hlahla kin he wicaša oyasin woiyopeičiye on iwicakico kta ca D.....'s wokiksuye tawa kta cin keya."

Porcupine, S. D.

Anpao kin:

Ito kola lehanl wayaotanin ciši kta wacin na on le ciču. Ho yunkan St. Julia Chapel el Koška

okolakiciye apiyapi, yunkan woi-tancan yuhapi qon lena eepi: Tunkanšilayapi, Wendell Smoke; Iyokihe, Paul Moss; Wowapi kaga, Richard White Face; Ma-zaska awanyaka, Aaron Comes Killing; Wookiye awanyaka, Pe-ter Run on Edge; Wamnayan, Geo. Big White Horse; Tiyo-pa awanyaka, Harrison White Thun-der. Ho lena woi-tancan yuhapi, yunkan wi šaglogon yapi kta wi-cakiciyuštanpi. Ho inše mitako-lapi lehanl wana kitanla se pa yuwankanl iwacu se mahingle lo. Ho tona Anpao opeyatonpi qon hena iyuha cante on nape ciyuza-pi. Inše kolapi lena naunyeci-honpi uncinpi. Nitakolapi wanji onšičila un qon.

Wendell Smoke.

New York etanhan.

Anpao kin:

Ito mitakuye, lehanl taku wan unyeciakiciyapi kte lo. Lehanl Lakotata wicohan wan el wowaši econqonpi. Ho hee, yun-kan lececu. Wana otokaheya maza canku ogna unkiyotankapi na hecena woekiye econqonpe lo, na ake miniwanca ogna un-yanpi kta itokab ake oiyokipiya waceunkiye lo. Ho he hecetu we lo. Lena Wakantanka wicala kin heuncape heon. Ho hecetu. Na St. Stephen oyate kin waewi-cakiye qon he slolunyanpi. Ho hecel tokiya lici unqonpi eyaš Wakantanka ohinniyan unkiksu-yapi. Ho heon tona le wanlaka-pi kin iyuha waceunyeciciyapi uncinpi lo. Makoce wan leciya pica el unqonpe lo, Paris, France, Buffalo Wild West Show hetu we lo. Le wayaotanin unnišipi kin tanyan ecanon uncinpe lo. Ho tona Anpao kin kolayayapi kin iyuškinyan nape unniyuzape lo. Pehinbanska škata hoksila-Ogla-la hoksila unkiyepi ye lo.

Rosebud, St. James etanhan.

Winyan Omniciye apičiyapi na ake winyan tona Okolakiciye wakan kin wakicamnapi na on wicohan wašte icicagapi kta na lena oitancanpi: Susie Charging Alone, Itancan; Nellie Four Hand, iyokihe; Lilly Pony, Wo-wapi kaga; Dora Robinson, ma-zaska awanyaka; Martha Wanbli canonpa win, wokagege awanya-ka; Hattie Bear Heel, wokagege wamnaye; Ptehincala ska win, tiyopa awanyaka. Ho lena oi-tancan unpi kta wicayuštanpi.

Scott C. Alone

Wayaotanin šipi.



# THE DAYBREAK.

Rev. E. ASHLEY,  
Rev. W. J. CLEVELAND  
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY  
Cheyenne Agency, S. D.

## Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,  
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

## OKOLAKICIEYE WAKAN WIYAWAPI.

### May Wi kin.

1. St. Philip na St. James  
Taanpetupi kin.....Ša
7. Easter iyohakab Anpetu  
Wakan inonpa kin.....Ska
14. Easter iyohakab Anpetu  
Wakan iyanmi kin.....Ska
21. Easter iyohakab Anpetu  
Wakan itopa kin..... Ska
28. Easter iyohakab Anpetu  
Wakan izaptan kin.... Ska
- 29, 30, 31. Rogation Anpetu.

### Wotanin-wašte Ayapi On Wocekiye.

Anpetu iyohi wicokaya he cin ehan heyapi kta.

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwicayapi-nunwe. Amen.

### Yewicašipi kin on.

O Wakantanka, tuwe wicawe wanjila on, wicaša oyate hiye ye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiyakin kta e Nicinca wašte uyaši qon; wicaša oyasin onilepi na iyenianpi kta unqupi ye. Oyate kin optaye nitawa kin opewicaya ye, na Ikcewicaša kin wokiconze nitawa ekta awicagli ye. Tona wicaye- co kin ecala wicaluecetu, na nitokiconze kin kohanna uyakiyin kta iceunniciyapi; Jesus Christ Itancanunyanpi kin hee eciyatanhan. Amen.

### Wotapi šni Itokam Wocekiye wan.

O Itancan, wopida unnicupi. Wotekdapi kin wodwicaya ye, qa wicaša owasin, maka sitomniyan, Wiconi Aguyapi ni un kin Malipiya eciyatanhan hi kin he odepi qa iyeyapi kta e iceunniciyapi. Amen.

## Grace before Meals

Thanks be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. Amen.

## OKOLAKICIEYE WAKAN WIWICAWAN-GAPI.

"Wakanheja wan canku ogna yin' kta iyececa kin ogna uncihiya yo, kinhan wicalcala yeša ebpekiyin kte šni." Wicoie  
Wakan XXII. 6.

## XXVI.

"Wankanl malipiya ekta iya-ye, na Wakantanka, Ateyapi Iyotan-wašaka išloyatanhan kin eciyatanhan iyotankehan yanka."

1. Ehanna waayatapi qon el Wanikiya unkitawapi kin wankanl kigni kta iwaktawicayapi. Ps. 68:18 he na Ephes. 4:8 kici wanyaka yo.

2. Hecel econ kta Iye iyatayela oglaka. St. John 16:28.

3. Ecel econ. Olan. 1:9.

4. Ateyapi kin išloyatanhan eciyatanhan iyotankehan yanka. St. Mark 16:19.

5. Hotanhan Woniya Wakan, Wicakikcanpte cin, He kul u ši. Olan. 2:33

6. Na hel walitanipi sa on Wakantanka Ateyapi kin icewicakiciciya un. Rom. 8:34

## XXVII.

"Heciyatanhan wicaša ni unpi kin, na ŋapi kin koya wicayasu u kta."

1. Wakantanka owihanke ekta ataya wicayasupi wan yugin kta konza. Olan. 17:31

2. Jesus Christ Wayasu Itancan Hee kta. Rom 14:10

3. Heehanl ni unpi kin hena, na ikokab ŋapi qon koya oyasin tancan ogna olanyanpi qon iwan-yagya wicayasupi kta. 2 Kor 5:10

4. Owotanpila kin hena wiconi owihanke wanica ekta iwicacupi kta. St Matt 25:46

5. Šicapi kin hena wokakije owihanke wanica ekta iyayapi kta. St Matt 25:25

## XXVIII

"Woniya Wakan kin He wicawala."

1. Wakantanka wan yukan. Wicoicage 1:1

2. Ateyapi kin He Wakantanka. St Matt 11:25

3. Cinhintku kin He Wakan-tanka. St John 1:1

4. Woniya Wakan kin He Wakantanka. Olan 5:3, 4

5. Wakantanka yuke cin wan-jila. St Mark 12:32

6. Woniya Wakan kin He Ateyapi kin na Cinhintku kin ewicatanhan hiyu. St John 15:26 na 14:26

7. Woniya Wakan kin He tona wicala na waanaŋoptan unpi kin hena wicayuwašte. Rom 15:16

## XXIX

"Okolakieye Wakan Owanca-ya kin."

1. Okolakieye Wakan wan yukan. 1 Tim 3:15

2. Okolakieye Wakan kin wan-jila. 1 Kor 12:12

3. Christ Tancan kin Hee. Kol 1:24

4. Christ Iye iyatayela el Pa kin Hee. Ephes 1:22, 23

5. Wicaša oyasin el opapi kta iyowajapi. Olan 2:39

6. Miniawicakaštanpi eciyatanhan on. St Matt 28:19

7. Wicala unpi kin eciyatanhan on. St Mark 16:16

8. Woaltani on iyopeiciyapi kin eciyatanhan on. Olan 2:38

9. Na hecel unpi kin eciyatanhan on ogna niwicayapi ounye kin el ounyanpi. Olan 2:47

## XXX

"Wakanpi Olakolkiciyapi kin."

1. Wicaceli unceage kin eciyatanhan on wicaša oyasin walitani sa hecapi. Ephes 2:3

2. Miniawicakaštanpi kin eciyatanhan on walitanišniyan unpi kta wicakicopi. Rom 1:7 na 1 Kor 1:2

3. Walitanišniyan unpi kta wicakicopi kin hena Christ el opapi kin eciyatanhan on okiwanjipila. Gal 3:28

4. Woniya Tawa kin on wicayuwaštepi. 2 Thess 2:13

5. Christ wowašte tawa kin on niwicayapi kta. Ephes 1:7

6. Iye anakigoptan unpi ehan-tanhanš. Heb 5:9

## XXXI

"Woaltani kajuju pi kin."

1. Woaltani kin he woopie kicaksapi kin ee. 1 John 3:4

2. He on wokajuju, nainš wokakije, ieupi kin wiconŋee ee. Rom 6:23

3. Wicaša oyasin woaltani el wiconpi. Ps 51:5

4. Wicaša oyasin anpetu iyohila woaltani econpi sa. Eyanpaha 7:20

5. Jesus Christ wicaša oyasin niwicayin kta ca on ŋa. 2 Kor 5:14, 15.

6. We Tawa kin hecela woaltani pajuja kta okihi. 1 John 1:7

7. Tona wicala unpi kin hena. Olan 16:31

8. Tona woaltani on iyopeiciyapi kin hena. Olan 3:19

9. Tona miniawicakaštanpi kin hena. St Mark 16:16

## XXXII

"Wicatanhan kini kte cin."

1. Wicaša kinhan tancan nanagi ko yukan. Wicoicage 2:7

2. Tancan kin he makablu ekta icipaš gni kta. Wicoicage 3:19

3. Tancan kin ake nikiyapi kta. St John 5:28, 29

4. Tancan ŋe coon hee hea ca kinikiyapi kta. Job 19:25, 26, 27

5. Kinikiyapi yunkan woniya tancan kin heca kta. 1 Kor 15:44

6. Wakantanka towašake kin hee ca on kinikiyapi kta. St John 5:24

## XXXIII

"Na wiconi owihanke wanice cin."

1. Wicanagi kin he ŋepica šni. St Luke 20:38

2. Tancan kinikiyapi kin he ake ogna ouayin kta. 2 Kor 5:10

3. Tancan kin kiei owihanke wanice cin kta. St Luke 20:36

4. Šicapi kin inš awicakehan wokakije yuha unpi kta. 2 Thess 1:8, 9

5. Owotanpila kin inš awicakehan wowiyuŋkin yuha unpi kta. 1 Thess 4:14, 17

## XXXIV

"Wowicala woeye nitawa kin lena etanhan taku ŋonakiya iyotan onispe he?"

Tokaheya, Wakantanka Ateyapi kin He wicawala kte cin, he onmaspe, He miye, na maka kin oyasin Kaŋe cin Hee.

Inonpa kin, Wakantanka Cinhintku kin, He miye, na wicaša oyasin opeunkitonpi kin Hee.

"Iyanmi kin, Wakantanka Woniya Wakan kin, He miye, na Wakantanka taoyate kin oyasin unyuwakanpi kin Hee."

1. Ateyapi kin Iye taku oyasin kaŋa. Olan 14:15

2. Cinhintku kin Iye wicaša kin oyasin opewicakiton. 1 Tim 2:5, 6

3. Woniya Wakan kin Iye Wakantanka taoyate kin oyasin wicayuwašte. 1 Kor 6:11

4. Tawe Yamaipi kin Hena Wakantanka wanjipila. 1 John 5:7 na St Matt 28:19

5. Ateyapi kin Cinhintku kin eciyatanhan taku oyasin kaŋa. St John 1:3

6. Cinhintku kin ŋe cin eciyatanhan on wicaša oyasin opewicakiton. Heb 2:9

7. Cinhintku kin ŋe cin eciyatanhan on Wakantanka taoyate kin oyasin Woniya Wakan kin wicagu kta ca on opewicakiton. Olan 2:33.

## TUSKEGEE HASAPA OMNICIYE.

Bishop unkitawapi kin Lakota oyate cantowicagnaka, na taku iwaštepi kta ohinni iwicakieigni un canke Hasapa woglakapi wan lel ihukuya oyakapi kin he hiyu-unkiyapi na Lakota iapi ogna yuieska oyaguŋšipi.

Feb. 22, 1905, ehanl Tuskegee, Alabama, ekta, Tuskegee Normal na Industrial Institute (Owayawa Tanka) el waniyetu wanjica can Hasapa omniciye tanka econpi iaketopi kin he anpetu el econpi. Okšantanhan wojuwicaša opawinŋe ota, tawicupi ob, el ahimaiciyapi. Omniciye kin he Hasapa oyate kin el wojuwicaša unpi kin tokel on naŋipi ekta, na makata woyuha, na oyate unpi kin



eciyanhan sanpa iwastepi kta e iwoglakapi kta ca on econpi. Itokaŋatanhan makowaŋpe kin ota etanhanhan el ahi, na Tuskegee Owayawa Tanka el Itanean un, Booker T. Washington eciyapi, kin he tokeya woglaka na heya:-

“Waniyetu iaketopa niniunki- eciyapi kin lehanl, lecel omniciye anyuhapi kin on etanhan awica- keya iyoopta unhiyupi ca on isloyapi kta wowakta ota el ewi- cunpazopi kta unkokihihi.

“Wicaŋa wanjila kinhan, nainŋ oyate wan, iyoopta iyayapi kta ca on tawacin ablakelan, na wa- wacinyan unpi kin hena on iwa- ŋakapi tanka heca. Omniciye kin le, na oaletka ota kin ob, he- kta on tokel wawounkilihi, na unkiŋluŋtanpi qon he oŋa hece- tuwanjica waliwayela, na tawacin tanka kiŋun, na taku tona on wi- con iuhapi ihankeya tanka kin hena walitagyakel unkiŋnipi e- hantans, oŋa oyate unkitawapi kin unkiŋloayapi waŋte kin hee e ca wicalaunyanpi kta kipi. Un- yatanpi kin on unyuŋciapi kte ŋni, nainŋ unyaŋciapi kin on wa- ciniwoŋgunyanpi kte ŋni woon- spe kin hena sanpa na sanpa el ecewaktaunkiŋiyapi kta iyececa.

“Tukte oŋa unyanpi waŋte ta- ninŋni, na on iyokiŋiŋya tawacin akipab inauunjinpi can, he on to- kel okihi kin wowinihanhan oi- yekiton wowapi unkiŋciŋapi, nainŋ wayapiyakel on iwahoko- munkiyapi kin isanpa taku unku- wapi kin etan wanjila eŋa unki- glaŋapi kin he on pilaunkiŋiyapi kte cin ee. Oyate wan tokel iyoopta igloaya okihi iglutani- hecinhan, na oyate unma kin wi- eegna tokel aiyotan wawokiya un kta okihi kin, on eciyanhan nahanketa wiwicayukanpi ece kin hena ee. Oyate wan hecel iyoopta igloaya un kin on isloya- pi kta woiwakta ohanni kpazo un ehantans, ecitapeŋni wounapte ta- ku qeyaŋ yuke cinhan hekta wica- yuzin kta okihi kte ŋni. Na heca wowakta takuni kpazo un ŋni ehantans, tankaltanhan tokel oki- hi wawiyopaŋtake on patitan wi- eakuwapi yeŋa tohinni he on oyate wan hecetuwanjica tokata- kiya yewicayapi kta okihipica ŋni.

“Makata woyuha kin hena iya- tayela unkiŋlamnapi na heceglala unkipipi kta kecin unkuwapi kta iyececa ŋni, tka ee on sanpa wicaŋa ohan waŋte, na Wakantanka oho- la wiuncaŋapi kta ca ee wowinla- gunyanpi kta ca on hena unki- gnipi kta iyececa. Oyate wan wanna makoce na tipi gluha un, na mazaska tipi el mazaska oki- gnaka kinhan, woyuha kin hena eciyanhan on oyate qon he taku cin kin hanh iyowiniŋiyin kte ŋni kin he, na bihanna wayuha kta ca on anpehan takuku cola un kta, na tokata etonwan yunkan on owowiyukan kaŋin kta woon- spe kin hena onspeiŋciya tanin. Wi- caŋa wan tohanl ob ti kin wice-

gna makoce onŋpa gluha, na woyuha glajujupi kin (tax) opa kinhan, on wanna sanpa tanyan un iŋila, na ob ti kin inŋ sanpa wacinyepica yawapi ece.

“Unkiyepi kin sanpa woyuha gluha unkuwapi, na on woyuha glajujupi kin econqonpi kin, on oyate unqonpi kin eciyanhan waciniwoŋag, nainŋ cantehunke- ŋni unkuwapi ee ŋni, tka ee waci- niŋiya unqonpi, na tokata tanyan unqonpi kta wicala unqonpi yu- tanin kin hena ee.

“Oyate tukte wanji yeŋa el wa- slolyapi kin isanpa waslolyeŋni yukan ehantans tanyan un kta okihi ŋni. Woyuwicaŋa wanji waslolyeŋni un ehantans tona ikiyela tipi kin inŋ eya woslolye- ŋni tawa kin on itokeapi kta. Oyate wicoŋpaye icikiyela tipi kin wanjin tohanyan owayawa tipi waŋte, na oŋa yankapi oiyo- kipi, yuhapi ŋni, na heca wan el wi ŋakpe nainŋ ŋakowin hehan- yanŋa wayawawicakiyapi ŋni, na on waonspekiye waŋte heca wan yuhapi ŋni kin hehanyan iyokipi- pi unpi kta iyececa ŋni.

“Oyate unkitawapi kin eŋa tona woyuha tonpi, na waslolya- pi, na wankantuya onspeiŋciyapi kin hena woope kicaksapi, nainŋ heca iyawicaonpapi kin ota ŋni kin he el ewacin pica, na on iyo- wicapaŋtakapi wowicake wan he- ca. Na sanm waslolya ayapi kin icunhan ŋilohanpi kin kul ya kin he nakun unkaŋlezapi kin on iyecece ake icanteunwaŋtepi ece. Wicoŋpaye iyohila el waŋtepi kin ŋicapi kici, nainŋ oeinŋicapi kin ohan owotanpila kin kici wiciyo- kogna oicazo se unkaŋapi kta e lila el euntonwanpi kta iyececa. Nakun itancanwicunyanpi kin hena woiŋciwa ecetu heca, na ta- ku iyotan waŋte kin heca ece on igloaya wicaŋa heca eceapi kta ea el euntonwanpi kta iyececa.

“Na ebake epin kte cin he lee: oyate unkitawapi unkiwinkapi kta e onspeunkiŋiyapi qon unka- yuŋtanpi kte ŋni. Hasapa oyate heuntanhanpi kin unkiyuŋskinpi kin he maka oyate oyasin slolye- wicunyanpi kta iyececa. Na oyate tokeca tukte wanji eŋa opa unyawapi unkanŋ, he kici owan- jila Hasapa heuncapi kin he wowiŋteca unkecinpi ŋni ca slol- yewicunyanpi kta iyececa. Un- kiŋincapi kin inŋ eya oyate etan- hanpi kin he wacinyanpi kta on- spewicunkiyanpi kta iyececa, na tehilapi, na yuonihanpi kta, na aiyotan tokata kin on wicalaya wacinyan unpi kta onspewicun- kiyapi kta. Oyate tukte wanjike ŋeyaŋ waciniŋiyapi ŋni, nainŋ igluonihan ŋni unpi ehantanhanŋ tokani wicaŋa tokeca iye wicin- wicayapi kta kipipi ecinpi kta iyececa ŋni.

“Nakun wicaŋa untipi kin iyo- kiheya ti kin he, taku oyate etan- han, nainŋ ha kin tokel tokeca yeŋa, kici okolaya unqonpi kta ca on taku qeyaŋ yuke cin wanjini

unŋluŋnapi kta iyececa ŋni. Wi- con kin le el, taku tona iyan- waŋte kin hena unkiŋleŋapi kta unkuwapi kin el, tuwe wan taku tona wicon kin le iyowaja heca kin el wookuwa kin he el iyotan tanyan onkiyapi kta okihi kin isakib untipi kin hee.”

He woglag ayaŋtan iyokiheya “Makoce Gluhapi kin” he iwogla- kapi, na kaŋinli opapi kin eta el taku eyapi.

#### Hasapa Taku Econpi kta Iyececa.

Woglag enakiyapi kin ekta wo- yuŋtan kin lena yuŋtanpi.

(1) Taku on piunlapi kta kipi kin ota. Hekta waniyetu wikce- mna topa icunhan Hasapa kin woyuha kinhan mazaska \$300,- 000,000 (woyawa tanka opawinŋe yamni) iŋipiya kamnapi. Itoka- ŋatanhan makowaŋpe akenonpa el owojupi 175,352 henali yuha- pi. Woyuha glajujupi kin on, na awowaŋi econpi, na mazaska el wawokiya kiŋunpi on, owayawa oyate tawa, nahan wicaŋa iyata- yela tawa kin ko el waniyetu iyohila wi tona wayawawicakiya- pi kin heca sanm ota ical aya. Oeekiye omniciye 28,000 henake- ca wicayuwitayapi, na tamazaska on inyangyapi. Wayawawicaki- yapi kin eciyanhan on sanpa woope kicaksapi takuni tanin ŋni. Wowicake kin hena eciyanhan on tokel tokata wawounkilihi kta tanin.

(2) Woope yuonihanpi na ki- cakse ŋni unpi kta cinwicakiyapi, na oyate nupin he el okiciya ŋkanpi kin he onŋpa tanka on etanhan, hekta wi topa icunhan woope oŋa wicayasupi wanica wicaŋa ktepi kin lila conapila kin he on lila piunlapi.

(3) Taku on oyate tanyan iyo- opta yin kta okihi kin hana lila maheltuya wacinyepica on hena el etonwe ŋni unqonpi kta unko- kihipi ŋni. Lena ee:- Makoce opeiŋitonpi he, na tipi tiwanjila oŋa otipi ayuŋtanpi, na wojupi cannahan taku toktokeca ojupi, na waniyanpi, na kokoyahanla, nainŋ watokeca icaliyapi kta san- pa el etonwanpi, na taku icaliya- pi on mazaska olotapi kte ŋni, na- inŋ otuyacin mazaska glusotapi kte ŋni, nahan mazaska tipi oŋa mazaska okignag ayapi kta, hena ee.

(4) Oyate unkitawapi etan wanjigji wayawa wankantuya ekta woon- spe wankantuya onspeiŋciyapi kta iyececa yeŋa oyate ataya kininl ikce owayawa kin heca ece wacinyanpi kta he ki- ksuya unqonpi iyececa. Unke- tanhanpi lecala icaŋapi kin inŋ tohanwankantuya owayawa el onspeiŋciyapi qeyaŋ nakun wo- jupi, na tiyata wicohan, na on wakamna wicohan waŋte toktoke- ca kinkeya onspewicakiyapi kta iyececa wicaunlapi.

(5) Takuni econ ŋni unpi, na- inŋ otuyacin omanipi sa kin inŋ

sanpa conapila ayapi kta ca on ptayela unkuwapi kta iyececa. Na sanpa taku wacinyepica heca ece el awowaŋi econqonpi kta. Owotanla ohanyanpi kin he on wicunyuonihanpi, na ŋilohanpi kin iyowicunkiŋiŋni kin on ohan owotanla, na Wakantanka ohoun- lapi eciyanhan wankantuya, na yuhomni picaŋni oyate heuncapi kta e unkuwapi kta iyececa. Na unkiŋcina woon- spe oŋa icalwi- cunkiyanpi kta iyececa kin taoya- te iwinkapi kta he wanji ee ca tohinni unkaŋtonjapi kte ŋni. Tawacin unhanskapi ehantans, na onkiŋciyanpi, na unkiyepi ena ta- wacin tanka kiŋun waunkiciuwa- pi, na lila wowaŋi econqonpi ehantans on wakiglehiyakel unko- iŋihihi kta wicaunlapi.

Rosebud, St. George's Chapel etanhan.

Anpao kin:

Mitakola lehanl wowapi ciŋ kte lo. Ho yunkan taku wan epin kte cin he lee. Koska Itancan waŋte teunhilapi, Solomon W. Elk, tokakije kin he cajebatin kta. Eya hekta De- cember 1902 qon he ehan toka wayazan na hetan sam kul ya, etan koŋka wanji lila okiya, te cin hehanyan okiya, woyute na taku keceyaŋ okiye. Yunkan he wawacinye na wacantkiyapi wi- cohan na wacinyan wicaka iglu- tanin. Iyotan oiŋihi ŋni ehanl lila tanyan kuwa, aloksohan un, eya tawicu kicica tanyan ŋkanpi. Yunkan le awacanmi. Yunkan koŋka oyasin lecel unpi qeŋ ecanmi na on cajebate, ca le wowitan heca on blaotanin ŋni tka koŋka kin he wacantkiyapi eyapi kin he tawicu kici ecel econ se epce. Eya waniyetu wikce- mna nom sam ŋaglogon wocekiye owapa tka tuweni hececa slolwa- ye ŋni ecel wanna wimacaliŋa, yunkan lehanl koŋka wan tawicu kici Wakantanka litakini wacin ŋkanpi oyasin isanpa tanyan econpi. Ho wana caje kin obla- kin kte lo. Mr. Thomas Fred- ricks eciyapi. Niye iniglacin kin he iyecece iŋikiyela ti kin wa- ŋteyalakin kta ee, wowapi wakan eye qon, na Job wicowoyake 2.26 el wanyaka po. Hena ecel econpi ecanmi. Na miŋ wimacaliŋa tka nagi niniŋiyin kta wacin na on tokel owakihi el waŋkan winyan mitawa kici. Ho na taku econ kinhan ota na sam nakun ota econ kta awacin naceca ecanmi. Eya lena oyasin cajebatin kta ee ŋni tka le blaotanin kin lena sam koŋka awacinpi na le wanlakapi hena ito niŋ ecel nitawacinpi kta iyececa walake. Ho lena hecetu kin heon Anpao kin el blaotanin. Ho tona Anpao kin wanlakapi kin koŋka kin le sam wicohan kin el wacintanka na tiwahe tawa kin nakun iwaŋte kta ca on Wakan- tanka iceyakiyapi na wowaonŋila on yeksuyapi nin ecanmi. Nita- kolapi wan miye.

Mr. John Cook.



Cheyenne Agency etanhan.  
Anpao kin :

Owacekiye woecon wan-  
jikji olaka wacin. Tanšna un  
wakpala opaya Šina ska heca ti-  
wahe 26 unqonpi, wakanheja ko-  
ya 91 unqonpi. Yunkan hena  
unkiyepeca Wocekiye oyanke un-  
cinpi. Hekta April 10th 1899  
hetanhan kuwa unkaupi. Oto-  
kaheya Wacekiye wicaša wanji  
unyuhapi na he unkiyepe ca wi  
12 hehanyan wamnaunkiyapi.  
Nahan owacekiye ognayan woe-  
con wanjikji tantanyan econpi  
tka tohanni wagluotanin šni, tka  
lehanl taku wanjikji owicaweci-  
yaka wacin. Lecala Anpetu wa-  
kan tanka on wokiksuye econpi  
kta gluštanpi na wamnayan non-  
papi, he Sophia Roan Bear hee,  
na Philip Wicanłipi yamni hee.  
Winyan kin he mazaska \$19.56,  
hokšila kin he \$10.46, hecen ata-  
ya \$30.02 kamnapi, na pte na wo-  
yute ocaje ota mnayanpi. Na le  
on takuku epa wacin. Hante  
wotkeyapi el Jesus tonpi qon wi-  
yohiyanpatan wicaša ksapa ya-  
mni wanyag hipi na mazaska  
qupi he unkiysuyapi kin heon  
mazaska unqupi. Na hehan to-  
kan okihika tanyan taku oyasin  
unškanpi. Tipi wakan unnicapi  
qeyaš Wanikiya hee kayeš wani-  
yanpi owote ogna tonpi ce eyapi,  
heon tuktetu keša unkiysuyapi  
kta ca hecetu, canke watila el  
ogna wokiksuye wowiyuškın un-  
yuhapi. Taku tokonyika tka kin  
heca canke šunkawakan lakaš  
otkewicunyanpi. Yunkan mita-  
kuye wicohan lececa kin hena el  
taku ookihi tehike lo. Ogną O-  
kolakiciye wakan icagin kta wa-  
cin wicaša wakan nagiyewicawa-  
ye. Taku awacanmi na epe cin  
hena ionšimakilapi canke sanpa  
imabliheca selececa ca taku on  
heca wowiyukcan iwacu kin lee.  
Tipi wakan itehanyan wati na  
heon osni na ošiceca on wacekiya  
ya owakihi šni kin icunhan kin  
wicacaje wan nawahon, wacekiye  
hi šni un emakiyapi, na winyan  
wan kici waun kin ohinni Win-  
yan Omniciye yin kta micinea  
om. Wacekiyapi waštelakapi  
canke heon heca woawacin sutaya  
iwacu na taku keša tawašenlyin  
kta icila waškan icunhan micinea  
oyasin makiłapi, taku bluha kin  
ko oyasin amatakuni šni na wa-  
ša ke šni se cante oyuze wanna  
waqin se lececa kin icunhan wetu  
kin le Tipi wakan unqupi kta ca  
icantemawašte.

Edward Roan Bear.

White Clay, So. Dakota.

Anpao kin :

Ito kola ake woyageiši kte  
lo. Makasan wakpa el Koškala-  
ka omniciye ošpe topa unqonpi,  
yunkan el omniciye wanji, owan-  
caya omniciye eya cajeunglatapi,  
na wi iyohi omniciye kta uncin-  
pi. Ehanna he hecel econ aupi.  
Ho yunkan hekta Jan. 17-18 an-

petu henaos St. Peter Tipi wakan  
unkitawapi he el omniciye unyu-  
hapi, na lila oyokipi hea unyuhapi.  
Hehanl Feb. 8-9 anpetu he-  
nayos St. James Station omniciye  
unpi kin he el econpi, na woi-  
tan can apikiyapi, hena oblakin kta  
wacin mitakola. Peter Stands,  
he Tunkanšilayapi; Joseph B. Y.  
Hair, Tunkanšilayapi iyokihe;  
George Two Eagle, Wowapi ka-  
ga; Frank W. Bear, Wowapi ka-  
ga iyokihe; William Ons Many  
Horses, Mazaska awanyaka;  
Thomas Turning Bear, Wamna-  
yan; Henry Black Elk (Police-  
man), he iyapi awanyaka; Geo.  
Brown E. Horse, he woglag wi-  
cakiya; Wanbli sapa, he Tiyo-  
pa awanyaka. Ho mitakola, lena  
woitan can unyuštanpi kin on wa-  
gluotanin ye lo, ca tona le wanla-  
kapi oyasin micante ataya on  
nape ciyuzape lo. Nitakolapi  
wanji miye lo.

F. W. Bear.

Yankton Agency etanhan.  
Editor Anpao kin:

Taku wanji ociciyake kta  
wacin. Hekta February wi kin  
wiyawapi 6 he ehan Mrs. Henry  
Hostile (Wiwašteka win) he ŋa.  
Anpetu tonana wayazanka, qa  
eced asni kta e on Okodakiciye  
kin wocekiye ota eyapi, tka Wa-  
kantanka iye nagi kin maka kin  
de etanhan eyaku kta iyokipi.  
Wicincana un ehantanhan woce-  
kiye waštedaka, qa Mr. Cook,  
Yankton Mission awanyake cin  
icunhan tankšunyanpi kin de O-  
kodakiciye kin on wowaši ota  
econ. Waniyetu ota icunhan  
Winyan Omniciye kin opa, qa  
ohinni wacinyepica un. Iye win-  
yan wašte qa owotanna heca.  
Waniyetu wikcemna qonhan he-  
han Baptisma qupi. Waniyetu  
akešakowin qon he ehan Henry  
Hostile (Tawanase) kici Wakan-  
kiciyuzapi, qa waniyetu wikce-  
mna yamni iyuškinyan hignaku  
kici un ŋe cin hehanyan. Ded  
Winyan Omniciye un kin iye to-  
kaheya ed opa qa ohinniyan wi-  
cohan kin he ed yus aya sa. An-  
petu izaptan February wi wiyawapi  
10, Church of the Holy Fel-  
lowship etanhan łapi. Anpetu  
kin he nina osni tuka wicaša ota  
Tipi wakan ed hipi, cante ši-  
capi kin heon. Tankšunyanpi kin  
wanna Wakantanka kici un wica-  
undapi. "Wani kin he Christ ee,  
qa maŋe cinhan sanpa tanyan  
waun kta" eya okihi. Toki elpe-  
yapi šni tuka itokam iyaye wica-  
undapi. Wowacinye oknayan  
oinyanke tawa kin ihunnikiya, qa  
dehan wicohłani tawa kin etan-  
han okilpa.

Nitakodapi wanji.

John Flockheart.

Santee etanhan.

St. Andrew Sunkakiciyapi kin!  
Chapter tona yuha nankapi kin  
yuptaye de cicagapi:

Eyaš Mato wakpa en mniciya-  
pi qonhan hen St. Andrew kin  
apiłiciyapi. Unkan ataya maza-  
ska awanyake kte cin miye kta  
keya duštanpi, tka tehan mazaska

cicidapi šni; hecen tokaš wada  
kta ape nakanpi heca. Ho po,  
tona wanna Chapter nitawapi en  
Dakota wicaša wakan womnaye  
kin on mazaska cyahnakapi he-  
cinhan hiyunakiya miye. Santee  
en Holy Faith Chapter kin hanł  
wowaši econpi kin hetanhan ece-  
dan 54 cents iwacu. Ho piye,  
niš iyecen econ piye. De yupta-  
ye Anpao kin en oniciyakapi kta  
ca oyag waši.

George Laurence, he miye.

Iwankab taku eyapi kin unki-  
ksuyapi wašte. Icin wicohan  
wašte kin heca. Ataya omniciye  
kte cin hehan iyopastagtu econ-  
qunpi kte unkaŋepi kinhan tan-  
yan kte šni naceca. Lehantu kin  
Chapter iyohila tona kičunpi kta  
ca on igni unpi na yuecetupi kte  
cin he wašte.

E. Ashley.

Morton, Minn. etanhan.

Anpao kin :

De oyanke kin taku token  
econpi owicohan wanji omdake  
kta do. Tuwe wayazanka qaiš  
wicaša eca yuha hankiktapi eca  
wicahca yamni wowacinyepica  
ece. Hena cajepi owicamduke  
kte do. 1. Wicahpiduta - David  
Wells; 2. Wahacanka maza - Jo-  
seph Iron Shield; 3. Tunkan to-  
iciye - John Blue Stone hena eepi.

Ehanna wohdakapi qa nakun  
ohinniyan wayaksam wewaho-  
konkiye eyapi sa tka dena wici-  
wankam Wicanłipi duta hi ie  
wayupike qa onahon waštešte  
eeee on wowiyokipipi qa wopida  
ece. Niyepi ekta wicahca dece-  
capi etan wicadułapi hecinhan  
hena taku wopida tanka hea.

Dehan ake nom unłapi, Mr.  
George Cloud - Małpiyaduta  
March 9, 1905, en ŋe. Hehan  
Anpen hiyaye win ŋe cin he  
March 11, 1905. Iho ake dena  
ed tanyan škanpi heon piwiunki-  
cidapi.

John B. Chapman.

Rosebud etanhan.

Anpao kin :

Lakota egną Okolakiciye  
wakan kin icage na wicaša na  
winyan opapi kin Cannom sapa  
el inšeya Winyan Omniciye oma-  
ka tona Okolakiciye wakan kin  
on łtakinipi, na lehanl lena el oi-  
tancanpi wi akenompi kin hehan-  
yan. Mrs. Millie Horn Antelope,  
President; Victoria Charging  
Bear, Vice Pres.; Allie Eagle  
Hawk, Treasurer; na hehanl Mr.  
H. C. Bear, Secretary yuhapi;  
Cora Big Crow, Wamnaye, na  
eya ihukuya nakun oitancan yu-  
kanpi.

Ho lena wokagege ecela he  
econpi šni tka nakun towacinye-  
pi kin on wicohan wanjikji tanka  
econpi. Wayazan owicakiyapi,  
nakun Okolakiciye wakan omaka  
wokiksuye wanjikji el wolwicaya-  
pi kagapi, na wicaša na winyan,  
wakanheja hena el awicagłipi, na  
wiconi canku kin ewicakipazopi  
se iyececa. Ho nakun eya wico-  
han wanjikji econpi tka leniyos  
iyotan awacanmi, na heon obla-  
ke, na hena Wakantanka towaon-  
šila kin on okihiwicaye keŋee, na  
sanpa on tokel awacanmi kin  
ciciyelala epe kta wacin. Lakota  
oyate egną Okolakiciye wakan  
kin icage na Wicaša Wakan La-

kota tkiya škanpi kin na ihukuya  
Tipi wakan ogna, na Koška omni-  
ciye, na Winyan omniciye lena  
ogna tona wowicala on łtanipi  
kin eciyatanhan tona Taku wakan  
šlolye šni se, awacin šni okpaza  
wicohan egną unpi, hena iyoyan-  
pa wanyakapi na el awicagłipi na  
Wakantanka cincawicaya ewica-  
glepi na oyasin tiwahe wanjila  
unketanhanpi, na eciyatanhani,  
na eciyatanhan Wakantanka lecel  
econ kin wicaunłapi, wicawe wan-  
jila on wicaša oyasin wicakage na  
Jesus Christ he wicaša oyasin on  
ŋa, na Wakantanka iye toksape  
kin on oyate cantekiciyeunyanpi,  
na wicaša oyasin Wakantanka el  
igłuecetupi kta hee. Ho wicohan  
tanka on wowaši ecanonpi kin,  
Camomsapa el inšeya lecel wawo-  
kiya škanpi kin he onayahonpi  
kta wacin on blaotanin. Nitako-  
łapi miye.

Hugh Charging Bear.

Kyle, S. D.

Dear Anpao:

St. Barnabas el koška O-  
mniciye kin Oitancan: O. B.  
Eagle, Itancan; L. Bull Bear,  
Wowapi kaga; Chas. Turning  
Hawk, Mazaska awanyaka;  
Thompson Yellow Bull, Wamna-  
yan. Hecel Koška omniciyepi  
kin lena ohinni wicohan wašte  
ece kuwa unpi. Ake lehanl wan-  
ji kuwa ayapi, wicahłapi makoce  
wan yuhapi tka lehanl owanyag  
wašte kagapi kta cinpi on wa-  
mnayanpi, wana \$26.85 yuhapi  
na lehanl tona egnakapi šni kin  
yawapi šni. Icin tukte el wicaša  
łpayapi sa kin hel owinja kin  
ohinni tanyan piyapi sa, hecel  
owanyag wašte glepi sa heon  
koška kin lena ołpaye tawapi kin  
owanyag wašteya pikiyapi kta  
cinpi. Na hehanl ake wanji yu-  
hapi kta cinpi. Canicipawega  
tanka wanji el eglepi kta cinpi,  
na heon koška nom kuwapi kta  
wicakalunigapi, O. B. Eagle na  
Wm. C. Griston heniyos wicayu-  
štanpi. Hecel Wm. C. Griston  
kagin kta igłukeanpi ca owekiniš  
tokata eglepi kta. Mr. Griston  
he koška kin ohinni Okolakiciye  
wakan kin el wicohan wašte on  
wawokiye sa, ake lehanl tanyan  
econ kta ca pilaunyanpi. Lena  
unkokihipi nin unkecinpi, ca to-  
na Anpao wanłakapi kin oyasin  
wocekiye ehapi el unyeksuyapi  
wacin. Hehanl koška wanji O-  
kolakiciye wakan el wacinye pi-  
calca un tka wokuje šica wan  
yuha. Wana waniyetu yamni  
sam iyeya kul łpaye. Ho eya  
wacekiyapi wicaša wicunyahapi  
kin eepi na Wawokiya unpi kin  
nakun hena tohanł okihipi can  
cekiciyapi, hecel owekiniš wica-  
ša kin le wanjikji wanłakapi na-  
ceca, Henry Belo eciyapi. Wica-  
ša kin le tehiya łpaya unkecinpi  
nacece lo, tona wanyakapi kin  
hena, tka tawacin kin tehiya łpa-  
ye šni.

Ohinni Okolakiciye wakan kin  
el wawokiye heca tawacin kin,  
ohinni Wakantanka kici un kin  
tanyan awanglake ca wiconi kin  
le el wonihinčiyey yuha šni. Icin  
Wakantanka onšikila kin šlolkaye  
lakaš hececa. Niun kin le el wo-  
kakije tanka yuha yunkan he ta-  
wacin suta iyuta akible kin on  
wowacinye tawa kin sanpa wa-  
šagya el ewacin. Ho le wicaša  
kin on wocekiye ehapi nin  
ecanmi.

O. B. Eagle, owa